

抱
冲
齋
詩
集

抱沖齋詩集卷三十二

長白 斌良 笠耕

雙城均賦集一

十一月初三日由吉城行館前赴雙城堡履勘官田曉發

雙籠樺燭出東門小坐闔黎茗尙溫瓊樹瑤峯堪入畫板牆茅屋自成村松花江冷侵肌骨鹿幣車輕警夢魂寒釀倍教親愛日綺霞紅處盼朝暉

汪家屯道中坐耙犁平碾冰雪安穩殊甚因無輪轂貼地甚卑故也偶然有會

片刻雙駝歷幾郵兩轅平碾穩如舟下帷默悟浮生理卑處原無蹶躓憂

行抵孤榆樹

雪塞團村落林藏板屋稠輕煙消獸炭斜日暖窗油鹿雉充公

饌冰霜黯客裘拂塵供輦腳不及訪秭侯

謂倭陟廷司馬

今日居停好茆堂位置幽瓦盆洋菜植

盆中種南洋菜一株銅紅莖綠葉頗覺可觀

鉢藁香浮灑落嘉揮翰

壁懸海城令強上林所書楮語甚佳殷勤賞督郵

孤榆樹張尉伺

應甚周

壺觴聊小酌榆塞記遲留

蒙古卞倫站雪中感懷

東來寸土何曾見臘雪渾將大地包朔漠無垠窮驥足曦光有
曜射弓弣當官擔負如山重行役詩章帶月敲邊外巡邊客中
客鴻泥爪迹感懸匏

法特哈門在威遠堡之外

晚抵多歡站

冰雪互盈塗冬晴值和煦寒驛稱嘉名多歡騰比部

雙城堡公廨題壁

峻嶺屏藩柳作營
古城雄秀翼陪京
豐林玉卓雙眸豁
遠磧瓊鋪一掌平
按部潁川稽墨吏
屯田充國教農耕
鑑空萬象應難遁
裕食壽邊答

聖明

雙城堡查勘地畝回轅晚抵舒蘭站

澗粉羣峯四照低
衝寒剛趁雪光淒
碎瓊大漠瑩心淨
淡墨疏林著眼迷
白簡直陳稽地界
丹綸遠賁荷

天題

十一月十一日在法特哈站接奉

批揭鳩形裸泣窮無袴早繪監門活庶黎

行館壁間戲題漁歸圖

網得雙魚貫柳絲
柴門到及日高時
問翁何事歸來早
懶看灘頭鵝蚌持

荒山背道中

驚颯秃樹吼聲狂
茆屋敲斜繚板牆
臘雪三冬凝不釋
一丸冷日淡遼荒

抵金珠站題壁仍疊前韻

輶車十日歷朝晡
襪被更番傍地鑪
古驛黃茆冰雪擁
嘉名孤負號金珠

曉發金珠站和東坡宿海會寺原韻

筍輿十日巡邊行
鎔銀大地拓掌平
無垠沙磧接蒼冥
亭疑細按鼠雀爭
山茨野屋市澗坑
赤體裸立飢腸鳴
竄突無煙轆釜鏗
鴻噉丁眾憐雙城
歸途冒雪驛吏迎
草堂寂歷戶半扃
禦寒輒卻紅螺傾
朔風勁襲貂裘輕
涼月繞枝烏鵲驚
長庚閃鑠天質明
蒙茸結束神穆清
但聞蕭蕭班馬聲

登元天嶺北鎮祠前望吉林城仍用前韻

輜軒採俗乘傳行冰淒石磴徑鮮平
棼檠高接雲鴻冥枯林雪壓寒雀爭
俯視聚落羅溝坑膈膊時聽村雞鳴
穿雲一杵蒲牢鏗鱗皺萬瓦環雄城
羣峯浣粉千笏迎北門鋪鑰朝不扃
松花江凍銀河傾御風恍奮雙翮輕
灑筆奇句青天驚秋臺遠察眸雙
明側身東望倚太清朔風蕭蕭吹市聲

登伊勒哲庫站茶肆小憩題壁

鞅掌勞無那谿劫驛使逢詩情比梅瘦
歸思勝茶濃老馬穿雲棧飢鴉啄雪松
征人圖畫裏劈面聳芙蓉

歸途登元天嶺祇謁眞武祠門前寫眺

配極元都太乙宮掛頤長劍倚崆峒
沙明遠接荒荒日谷暗時呼浩浩風
古殿朝眞香滿袖中峯舒矚雪扶筇
聯翩尺素何由

達寄語青冥北向鴻

查勘雙城堡還轅秋山將軍遣馬隊遠迎車中寫懷

乘輶按轡喜還轅路出嵯峨嶺畔村四色旌旗雄八部五方兵
校集三屯羣峯削玉兼天淨遠浪鎔銀到岸吞敢說征塵事靡
監撫循無策答 鴻恩

吉林城行館讞案勞形案牘兩度蟾圓官閣書意

欲挽狂瀾愧力微寂寥官閣對晴暉晨衙漫訝金笈鏞夕帖頻
教鐵騎飛檄葉林凋峯轉瘦松花江凍雪添肥鋸筦日理虞叢
脛計日思歸尙未歸

過歡喜嶺將抵吉林題

碧澗泉淙珠錯落瓊林枝茁玉雕鏤吉城風景吾能說沆粉羣
峯抱郡樓

法喇

似榻無足似車無輪冬日御之亦有施氈屋及

白板平鋪席無輪妙善馳舟車制微別雪霰走偏宜縻綆隨騶

足裝蓬冒鹿皮拖牀龍鳳飾上苑憶冰嬉

拉哈

築土豎坯爲牆以橫木約尺許爲一檔綴麻草下也垂緣之以施坊慢經久不倒亦國初樸素故俗

甃坯層疊壘護壁綴漚麻不用粉泥聖能防風雨加豆花明的

皜藤蔓絡鬚截葦牆基襯津門俗共誇天津民屋築牆以葦箔視築牆根以防傾

圮之患與拉哈之制相仿

霞棚

棟燈也以蓬梗爲幹搏殺穉和膏塗之然以代燭用資其亮開國勤儉之風可見

塗膏向蓬梗煨火使穉然制並青檠美光同絳蠟圓滄風欽故

里書味憶髻年敬緬

清宮壁篝燈示儉懸

盛京宮壁間胡猶存欽仰吾

太祖所然霞朝開甚儉德

周斐

樺皮房也樺皮厚盈寸許取以爲室覆可代瓦旁作牆壁戶牖卽以山中所產之木用之費不勞而

工省滿洲舊風無異東周之陶復陶穴也

樺皮苦作室陶穴媿宗周黑水遺山屋黃岡陋竹樓緯蕭風雨
庇壘壁漫圯羞彷彿茅茨古神堯

帝德侔

吉林行館述懷

綰綬銀臺愧濫竽特邀

帝簡沐恩殊一官紫綬榮三擢半載朱幡歷兩都鹿塞宣猷聲
素有雞林價重句偏無陪都左輔鄰豐鎬欣歷金城仰舊模
松子恭和乾隆

御製原韻

溜雨蒼皮古澗松仙林麋鹿慣相逢白雪滄嶺森千尺翠嶺凌

霄擁萬重

古松枝幹層層遠望如碧瑤

綻粒蚌含珠顯密喬柯鼠啣石花濃

交梨火棗真堪

匹味道崆峒憶舊蹤

登元天嶺行館小憩寫望偶題

極睇白漫漫瓊瑤大地盤山形疑帶縹雪氣逼裘寒聖學遵三畏官箴懷四難郵丞供給薄蝦菜亦登盤

十八日不寐書意

小住浹旬歷難諧濟物心世情諳愈澹鄉思靜猶深竿牘資羣策山川助獨吟統如沈漏鼓枯坐擁寒衾

吉林行館冬夜書懷

氈簾低亞尙凌兢擊柝循牆喚欲膺擬寫長牋驚凍墨貪看小字密移燈何容置喙遵條約豈不懷歸念友朋衾鐵寒森情繼縉鄉思如繭剝層層

臘月朔日行館接家言喜成

灌耳沿街爆竹鳴東來忽漫歲崢嶸龜著莫把歸期卜犀照能

令水府清

吳氏控雙城堡員弁蠶食剝民一案已於二十九日審結拜摺入奏

繞屋煙巒開畫

本嵌空樓觀走江聲盈門喜溢魚緘報婚嫁差欣慰向平

知三兒崇福已於十一月十六日迎娶故喜及之

陟廷司馬署理吉林都護移出行館良友忽離倍增振

觸雪窗夜坐用樊榭老人立春後一日集吳敦復瓶

花齋次竹由二絕韻

水沈香裊夜寒初履屨相羊亦我廬炕角澆春移甕盜案頭遮

眼半文書

陪京舊雨欣常聚都護新衙荷乍除隔巷芳蹤纔咫尺嘉招同

翦凍園蔬

吉林行館紀夢

閒居列屋眾蛾眉掩袂爭妍巧笑微身老禪心井波定沾泥詎
學絮狂飛

初五日旅窗雜興

小睡酣眠松火炕高談醞菊花茶簿書填委身無暇顧我歸
期未有涯

愧少聲華傳鹿塞僅多妙句播雞林哀鴻滿目嗽中澤勺水難
酬博濟心

夙欽富弼籌兵食費盡經營石堡城不必別求殷實法牛犁十
具勸躬耕

仇讐戕賊主名無據案推囚日又晡浪說元龍高百尺忍爲乳
虎惕三都

臘月十四日旋轡陪都秋山將軍陟廷司馬相送於

吉林松花江畔畱別一首

簿書填委正蒙茸江滸攙袂悵別悰公瑾醕醪謀一醉趙衰愛
日煦三冬豐林盤磴披絲細高嶺摩天浣粉濃身在范寬圖畫
裏騾綱氈笠繞雲松

過大嶺佛寺小憩

白頭僧占一庵閒芋火茶煙復往還小憩偶過松下寺長征踏
徧雪中山青瞻佛頂寒投足黃暈脩眉喜溢顏椒實新紅攢細
纈恍疑梅萼綻谿灣

蕭家店歇馬

延緣車騎陟崢嶸榭葉迎風颯颯鳴猶是前番舊風景寒鴉枯
木繞柴荆

至菟登時已日暮因趨程趁月色夜行偶得小句

橫空魚尾綺霞赭路入昏鷺瑩确鏗微幸姮娥偏眷我區開玉鏡照分明

夜深三鼓至伊拉門書所見

黃暈眉間喜得歸衝寒四牡促征騑雪連沙漠銀成界日映瑤峯玉作圍樞馬林烏歲迨緊明星野火影依微舉頭再看蟾圓滿應賞天街火樹輝

長嶺寫眺

趁趨駢牡趁朝陽風帽伶俜半染霜馬上揮鞭頻指點樺林深處近圍場

萬頃鎔銀大地浮雙驂蹴踏雪霜迨大夫行役勞塵鞅不羨鄉居馬少游

由鳳金嶺至伊巴丹站

匱巾峯嵐醞粉皴盤紆石磴步逡巡雪光豔豔晴曦混山意蓬
蓬溼靄勻鐵騎連宵快乘傳土牛明發值頒春明晨十六日立春青陽
屈指韶華麗眼柳桃顛解媚人

伊通河道中望大孤山小孤山用東坡集中李思訓畫

長江絕島圖韻

天蒼蒼野茫茫大孤小孤兀中央玉龍蜿蜒斜掉尾鳳金秀嶺
連雲長鎔銀萬頃接天白包裹大地無塵揚輕車輾輓碾深轍
雪痕掩映舟低昂鬢鬢雙鬢鬢爭妍鬪明妝過客解頤雅謔狂
瓊島何處逢劉郎

薛窰子書所見

射牲妙手世應無弧矢威棱冠兩都山店圍場知最近腰間長

掛雪毛狐

克勒蘇站十里坡寫懷用東坡集中雪齋韻

君不見雞林離都四千里山繞雄城如甕底傭奴販負日相於
蠻觸紛爭鬪如蟻按部虎節駐谷中鎮靜安堵希曹公但期理
徹似江水不作奇觀臨雪峯棲遲驛廨三旬越林梢兩見團圓
月怪他冰玉滌詩腸開門正對羣山雪

吉林大木甚夥土人樵爨皆用之憐生材之不遇題此
惜之

深山鬱鬱萬松栽溜雨蒼皮大十圍幽谷支離生不偶憑誰貢
取棟梁材

晚過英俄布站

老馬踏冰奔蹠蹠飢鴉啄雪噪紛紜衝寒向夕馳車過幾縷炊

煙接凍雲

葉赫舊城

龍興成器業，應列緬豪賢。勝迹於今峙，雄城自昔堅。雪霜環睥睨，草木護雲煙。開創

先皇績，端宜珉琬鐫。

葉赫舊城吾國家開闢所遺惜無穹碑以誌偉烈耳

十七日夜開原驛舍亭中步月用東坡集中定惠院寓

居月夜偶書韻

月額雞林持虎節，親草奏章勤夙夜。霜橋古驛復停驂，寒月一丸窺牖下。擊鮮小飲熊白燔，分香大杓鵝黃瀉。

詔承按部赴東都，職任秋卿忝居亞。紛更雀鼠訟難休，行幄密籌頻箸借。幸聯交誼重雷陳，敢說門才媿王謝。簡書敦促漫云勞，天地遼虛同旅舍。遠游宦迹泛蒼萍，漸佳老境甘如蔗。世事

嶽崎歎飽諳人情詭譎吁堪怕他時釘座宴華鐙莫學灌夫狂
醉罵

踏雪過石猴山口占一絕

槲葉戰寒飆石骨雪花冪意行咋舌驚徑印豺虎迹

入威遠堡門山寺小憩

遙睇威遠門騎吏前負弩出入大吉羊琳宮拜佛祖

入威遠堡天氣漸暖卽題僧寺壁

纔入威遠門拂面饒曉意屏塘繡秀圍積素浩無際停驂坐禪
庵量茶呷清味山僧奔如麕踉蹌使君避別來三月過爆竹喧
猶未還轅晝夜趨入堡陰晴異蔚藍接寥天飛白糝大地如何
一關隔寒暄頓殊易瘦句寫脩途聊當松漠記情脰望同雲天
公好玉戲

冒雪晚抵開原

轅際鞭揚釣絲軟雪中
鏡導大珠明不緣趨府星
輶趨靜聽爬沙殷戶聲

由開原孫家台冒雪行抵鐵嶺高麗站縣令桂香谷邀
至衙齋小酌並邀錢湘于相陪因用東坡集中興龍
節侍宴前一日微雪與子由同訪王定國小飲清虛
堂韻

寥天翦水飄銀沙健兒腰箠排前衙
行過千里木葉嶺看徧萬樹瓊瑤
花囊書襪被日于役信宿茅屋安
如家連鑣乘傳催庠馬接翅度塹
隨村鴉自嫌出塞句瘦硬擬摹鮑
謝詞滂葩青泥滑澆膠雙轂特教
園牧勤梳爬暖鬲難覓竹葉釀禦
寒先煮芽蘆茶三冬櫛沐事鞅掌
繞朝幸贈絲鞭撾鐵嶺賢合屬戚
誼衙

齋邀飲辦咄嗟酒酣上馬出門去酩顏休笑紅如霞

過鐵嶺

秀嶺橫空互盤車向曉過冰霜環大漠煙岫肖三峨眉骨誰陶
冶泉心淨綺羅元冥司令節幻出玉痕瑳

同人爲消寒小集每集各依別號用韻余奉使未及與
昨在遠村司空處見十三元韻諸作勉吟四律以應
之四首存二

簪盍朋儕復晤言三旬按部喜還轅談深屢教龍團瀹坐久猶

欣豹褥溫會約消寒須待補詩盟結社要重論余與陟廷司馬擬新正補結消

寒詩社夙聞水部菟裘好枯樹柴荆磳村遠村司空第有小園種蔬

庭松淡對寂無言小住渾如驥伏轅一局枰心甘遜杜八叉賦

手愧輸溫新塘和詩四律尤佳座中老輩欣常聚案上楞嚴待細論知白

守元聊養素梅花何處覓孤村

素生近日頗耽禪悅

晚抵撫順

樓櫓凌霄雉堞橫亂峯迴處抱孤城山郵荒寒無供給記取遼東第一程

薩爾許見度歲農家風景意頗閒適因題

纔辦黃羊祀竈虔蒙茸又復整絲鞭郵亭喜見黏春帖傭保頻聞索酒錢瓦注高粱寒足禦鐵盆溼炭暖初然官齋農屋何分別平著心看卽是禪

哈塘溝和東坡集中書李世南所畫秋景二首韻

羣玉峯環浣粉痕斷崖枯柳露孤根貂裘衝雪遼東路夢繞江南水竹村

六鷲能空境坦夷挺然松栝雪霜姿三冬鞅掌風塵歷欲向鷲

鷓借一枝

上峽河終日行幽谷中林嵐積雪頗具摩詰畫意晚抵

旅舍挑燈書此

威紆徑繞馬蹏輕水複山重逐步更魚尾霞烘半天赤夕陽偏向鳥邊明

上峽河旅夜偕程吟橋草窗夜酌談詩並擬他日煩作

山驛說詩圖以誌佳話

擁裘談對夜燈孤小酌茅柴酒半壺他日吳淞歸棹理好摹山驛說詩圖

遠村令嗣索予吉林記行詩草戲贈一絕

香山居士秦中詠採擇風謠句贍詳若令收藏兩家集仍鈔二

卷付崙郎

和潘芝軒相國甲辰重游泮宮寄贈吳鑑庵同案原韻
密贊黃扉傍 九天當年縫掖記衣翩
恰逢綺甲重周歲尙說
鱗辰發軔緣吳苑鶯花千里憶

熙朝鴻業一身肩何須招隱槃阿羨潞國丰標迴勝仙

木樨馨際記登堂大度雍容海莫量遙寄華牋漱芳潤爲言綺
歲採芹香精心縹帙書盈架繞膝芝蘭笏滿牀重宴瓊林應
耄 耄錦囊恭賀拜 明光

盆竹

移得叢篁著意栽翠罌相映愛穉穉漫輕一簇青玕竹曾破長
風泛海來 竹自上海縣運至遼東

春日過天后宮遇董事余生金墀託向海船買書偶贈

四截

金閨一別廿餘年，兵燹纏疆念頗懸。有象太平閒處見，滄溟通
販賣書船。

喜值吳趨舊部民，方袍長揖意真醇。漫輕屢中閒經紀，彼亦吾
儒傳裏人。

新倩工師大木求，臨流擬欲結飛樓。未題妙構先題額，秋水伊

人喻已不

天后宮西偏欲構水閣爲登覽之地，余生請題額，予命曰延秋水。

佛鐙權當春鐙看，賽會笙簧共賞音。萍水相逢程不識，烹魚時

話雪窗深

吟橋與余生時時過從。

春日過八王寺仍疊前廣慧寺韻

煙暖天清及好春，雪融泥軟趁輕輪。足投蕭寺魚催粥，目極遙
天雁似塵。青折句，萌回嫩甲碧涵曲。渚漾紋鱗剎，那頃已聽鶯。

喚猶記年時叩

玉宸

余去歲八月十一抵瀋寓八王寺瞻禮，資已半羊矣。

十九日過城東明堂村寫懷

曉聽高樓畫角鳴
煙泉和煦值清明
柳回眼纈新秧茁
波縹緲
紋膩漲平敷
土情深躬酌墓是日恭謁族高祖費公墓祭婦行春暇少偶穿城
東都沃壤田疇富
布穀聲催佩犢耕

同懷弟法良校刊

男崇福謹校重刊

抱冲齋詩集卷三十三

長白 斌良 笠耕

瀋陽還京集一

甲辰二月十四日調任刑部侍郎畱別瀋陽 諸真好

四律

弼教 陪京甫半年 丹綸晉秩

主恩偏

良於去歲八月十二日履十四日卽蒙 恩調補刑部右侍郎屈指南歷半載

陪京侍郎之任茲於二月

天恩稠疊

刑齊敢說頑民格志勵惟期薄俗遷幽暗忍令沈黑

實深感幸

獄案囚鞫禁甚多速爲

光明心可對青天篋中竿牘依然在曲

直碑憑萬口傳

歲月奔輪序遞乘 倏看桃隴絳霞蒸 幸無溜蠹防官守 雅有紅

螺讌友朋鷗鷺聯

翩聞結社魚龍曼 衍記燒燈

新正上元節借秋畬素生諸公

補消寒雅集綠波惆悵撓袪別早寄雲藍付驛丞

虎節遙持忝雁臣金城衝雪賦田均快聆讜論資良友

每遇疑難案牘

借凝齋上公秋畬京兆諸同人相商深叨教益喜得宏材作替人

花松岑司寇素饒經濟西曹共慶得人

碧海雖無常照月青陽亦有再來春蘭交梓里關情切無限離

懷逐畫輪

爽鳩忝厠愧無文首善殷繁案牘紛敘雪堂開聯舊雨

余於道光十二年

曾充秋審處提調官此白雲亭古誦清芬

先尚書於乾隆五十八年曾任刑部

侍郎相隔已五十一年矣良深幸接武秋卿平情在已惟求允聽訟猶人勉克勤我

馬欲東還攬轡臨歧箴語望諸君

畱別陟廷司馬四律

錄二

共濟同舟倏半年纔聽驪唱意殷然情懷梓里歸心切誼篤蘭

交別緒牽每爲談深添蠟燭代籌宦薄計囊錢忝居世胄稱前

輩

余與陟廷皆係恩蔭

英傑端須讓後賢

良朋諒直荷規箴送抱推襟洽素心燕子巢痕游迹換桃花潭

水別情深回車豈避朝歌邑

潘陽向不淮演劇

勵節曾辭暮夜金漫恨

連牀疏軾轍起居八座免遙臨

松岑前授秋卿未得抵潘復改補京師容臺之任太夫人可

免跋涉之勞

巨流河東岸茆店小憩用東坡送蔡冠卿知饒州舊韻

平生適莫意難必行固爲佳住亦可愧無嘉惠及監州適館授
粲偏眷我一川花柳屢經過十日糗糧欣乍裹幽岐景物畫圖
誇駘蕩春光看亦頗村孤且駐遠游驂飄狂勇鼓春流柁漫嗟
身世泛疑萍須信簡書迫如火巾車假寐學宰予傳食諸侯希
孟軻旗亭瘦句奪山綠漫比杜陵吟飯顛

渡巨流河

去年遠渡高句驪百川灌河水始疾今春復涉巨河流暖漲桃
花兩岸泊翻空頓浪大於鵝時向船舂澎湃激中流鼓棹發高
歌短齋黏天一圓笠夙憑忠信涉波濤予禱久矣非旦夕觀瀾
買渡悟浮生逆水順風偏利涉

巨流河買渡

三月春水生桃花漲正平扁舟輕似葉高岸兀如城好趁長風
便全無駭浪驚涉川忠信倚稍弛戒心情

新民屯道中

東來第一見高城接翅昏鴉夕照明稚柳沿溪姿濯濯草橋轉
處野波橫

瑤瑤陰濃釀雨天草平沙輒趁車便東來好景君須記高柳疏
煙雨一川

冒雨過新民屯書懷

寒幃陡覺峭寒生，蓬背微聞撒粟聲。
樹影籠煙連浦暗，河流如帶閃波明。
但期膏壤翻犁徧，不厭膠輪拔淖行。
注面雨絲憐衆禦，寒白釀急須傾。

抵新民屯

鎖鑰遼東第一屯，魚鱗萬瓦戶殷繁。
丸探黑白多奸宄，弭盜機宜要細論。

白旗堡

海風西北來，吹散一天雨。晴雲如奔鷹，清光自掀舞。
沙路砥樣平，撲面少塵土。鈴喧替戾岡，恍對圖澄語。
僕夫走相告，指點白旗堡。緬懷龍興年，八旗成勁旅。
虎熊隸麾下，牙纛分隊伍。兌澤鎮西方，旌旗雪光溥。
肇基錫嘉名，流傳到畎畝。一戰克錦州，叛

降靡定所觥觥岳將軍借箸欽英武論戰貴攻心智沈收練組
南軍乍受降鰥獨少鴛侶擇配以妻之秦晉室家處南軍與北
軍情聯相水乳錦州旋復克撫循同杜母振旅收遼瀋威宣薩
爾許戎衣天下定鷹揚邁千古至今遼邊民孑誠歸率土垂鞭
過舊疆羣黎各安堵廩實積京坻温飽無所苦我今鞅掌忙朝
饗已過午瘦句寫泥牆滂葩詞快吐

二道井子有懷恩小山尙書

春流滑笏消輕冰遙峯煙靄迷圭稜荒村闕寂麗譙歇午夜稅
駕聞雞興東風似翦穿窗縫千里良朋來入夢擘畫辛勤二豎
櫻聲色浪傳公好弄年來鞅掌感薪勞塞垣供給日炮羔離懷
甸線春波遠牽情柳帶黃金韞

茶肆小憩頗得幽趣偶題小詩疥壁

蝸殼三間屋牛欄半畝宮山延可窗翠花愛出牆紅玩賞人無暇
謳吟句頗工丰昌饒景象半在驛亭中

羊腸河旅舍偕程吟橋小坐飲釀茶數器書壁

膏雨連畦耒耜忙輕颺曉作十分涼細流曲繞腸千結高柳青
排屋兩旁配極嶺元登未果舞雩風峭喜相將良朋輒腳留宵
飲舊事低徊話更長

偕程吟橋黃少尉

守謙

游醫無閭山用東坡游靈隱次

周長官以詩見寄舊韻

屏除騶從遠尋山扶策穿雲水石間白鶴喬松宜獨撫青猿線
路懶爭攀且看雪濕千條曳略息風塵一日閒嵐氣夕佳添紫
翠笠亭徒倚未言還

過廣甯晤久齋明府

五福

詢子近況作此答之

往復魚牋迹不疏花封何意得攬祛吏民懷畏我何敢裘馬聯
翩境尙舒祿米那堪籌美釀俸錢多半購奇書無閭嵐翠春深
好選勝勞君覓筇輿

北鎮廟

神皋東拱位乘乾元鎮元樞極配天封典舊傳虞十二明禋夙
備禮三千

御香碑古看欽若攬秀亭高聳巽然不見蒼髯門外叟蚪柯幸

借畫圖傳

北鎮廟西古松一株今已朽失乾隆年有御筆畫松并御題詩石刻尙刊亭側

游齋無閭山和月山尙書再過閭陽游山未果韻

支筇選勝締前緣空翠氤氳旭霽邊幽谷重來剛半晌清游雨
度僅經年側身未訪烘霞洞洗眼來看漱玉泉不藉捫蘿攀葛
力居然高陟萬峯顛

閩山絕句

雪瀑風濤發妙音六重掩映翠嵐深
槃阿漫作棲遲想久矣名山屬賀欽

雙屨蓮跗最上乘凌虛飛閣結高層
懸崖壁立無階歷奮翮騰鷲或可升

晴峯直上與天齊桃洞春深路不迷
鷹服勝朝諸老宿摩崖千仞半畱題

笠亭虛構列星捫花柳煙迷下界昏
謾謾松濤天半捲槎枒石縫迸孤根

東丹招隱讀書堂高接天光近海光
白袷探幽應未許陰崖首夏亦清涼

石棚觀瀑和月山尙書韻

石厂翼垂雲籠罩地寬闊釋迦負牆坐陰崖金粉脫簞耳茁谿
罅詎是乖龍割巖劫敷坐具塵襟頓開豁鐙影碧琉璃霞蒸紅
靺鞨飛瀑錚鏦響聞根豈嫌聒噴薄珠琲濺潑魚龍沫冥濛
溼煙霏羃巖裏蒼枯雪練心並瑩靈泉眼俱活匏樽汲取嘗新
茶花乳潑涼颺鶴毳飄秀語蛾綠奪甘露灑諸天承以青蓮鉢

望海寺禪室小憩久齋明府

五福

攜肴核以供小飲賦

贈卽和月山尙書宿觀音閣原韻

談塵多豐暇端宜肴核添茵陳挑翠甲茶筍剝青尖松巾雲生
榻檐虛瀑捲簾同龕共彌勒空洞定無嫌

聖水盆和月山尙書韻

石棚窈窕絮雲穿環鏤雷紋似鉢圓千顆明珠輕灑地一泓澄
碧倒涵天聲諧琴筑晴疑雨影漾龍蛇日復年玉女頭盆庸足

數高擎承露像青蓮

游醫無閭山

有序

三月二十日行抵廣甯久齋明府黃益之少尉守謙
邀游諸名勝先謁北鎮神祠旋至覽秀亭訪翠雲屏
補天石諸勝尋趙松雪書樓閣殿記碑久已失去牆
陰惟元明御香告祭碑數十通而已還坐於元長老
禪舍復升車迤邐循谿坳問春雨未霖谿水清淺銀
沙錦石璀璨水中歷歷可數時屆清和桃萼初謝梨
花正開縞衣素裳照耀山谷間緩控至醫無閭山麓
偕程吟橋換筍輿盤螺磴而上睹飛橋歷級而升入
石棚觀聖水盆飛瀑濺沫跳珠聲如琴筑不數廬山
雪瀑徘徊久之讀乾隆嘉慶道光

御製諸石刻仰瞻

北江志卷之三

三

三

宸翰氣象萬千石壁題名握衣直上登曠觀亭眺遠地卽東
丹王藏書處訪道隱谷雲樵松七景同游欲登觀音
舊閣緣苔濃路滑而止坐盤石上偕益之松陰啜茗
清話移時益之云朝陽山麓松陰可十餘里策馬行
深陰中蒼翠滴衣頗饒幽趣無閭南峯下有魚泉寺
泉石甚佳石壁刻關帝立馬像倚崖有深潭澄碧可
鑿毛髮游鯉圍洋如行明鏡中會日暮欲游未果還
飯於芸室久齋代辦肴核小酌禪室吟橋云客秋過
閭山恩遽未及題詠良朋雅集相聚一時可稱佳話
不可無詩予援筆應之賦七古五十八韻聊記雪鴻
爪迹庶免山靈見笑云爾

去年遠游醫無閭蕭槭秋林葉顛今春跋馬復來游桃杏紅
嬌霞綵綉春秋兩度濟勝緣造物無心序推換晨乘爽氣山城
闕珂繖翺翔集賓彥縈紆沙漱縹帶盤縹緲雲岡簇樓殿乾始
神區北鎮祠握衣槃辟明禋讚覽秀亭邊縱遠眸芙蓉九朵排
雲案嵌崎方石峙西偏譌說補天女媧鍊椽欄碑失杳難尋水
瓜木挺驚奇幻門前五立叟蒼髯虬枝惜久罹樵爨

宸藻紛披爲表揚貞材榮遇羣情羨徘徊周覽興正豪已公茅
屋茶瓜獻同游愆適促征驂灘激縈洄逐鳧威紆徑繞歷山
椒應接山陰勞顧盼蒙茸翠巖挺霜姿桃萼枝斜倚蔥蒨髯
紅拂彷彿逢鏡臺閒倚看梳盥梨花吹雪含桃然衫袖輕黏半
花片相偕停轡換籃輿風磴盤旋陟霄漢青螺轉處松翠濃雲
葉開時蓮閣見裙屐聯翩轉石渠細泉百道松根浞扛輿呀喘

憫僕痛略息勞肩聽所便嘉招小憩坐虛亭爛漫山花當坐薦
松釵旋拾烹日鑄茗花香共涼雲黯抗峯雙峙兩石幢方棧四
角雕蓮瓣歲紀乾隆甲戌春我

皇游豫紛纓弁羣黎向化代延釐三祝華封頌歡忭一箇蒼生
壽一年

聖壽無疆稱億萬想見重熙累洽時中天景運祥風扇範水模
山事等閒緬懷

帝澤興嗟歎捫參厯井陘青雲真箇崇山起人面梯級適符甲
子周厯階洊晉誰攀援天然幽谷窈而深虛厰清涼消集霰飛
流倒掛水晶簾琴筑聲諸珠琲濺手掬靈泉洗眼來雙瞠頓朗
疑驚電高麗使者慣茵題洪李朴金書屢繕妄心獵取千秋名
遠被昔花侵字漉何如月山舊吟石破天驚奇句擅羣欽謝

眺暉煙霞我愧君苗焚筆硯揭來相別廿年餘蒼狗雲衣倏千
變平生百事坐疏慵獨有探奇快乘傳鳩婦停呼踏嫩晴一日
清游荷天眷盪胸雲海豁煩襟百里秋毫眼中見萬瓦鱗皴雙
塔矗指點三韓古邦縣下臨無地上凌霄俯瞰平原頭目眩縱
橫畝畝畫方野草碧沙黃縈一線東丹招隱舊書堂謾謾松聲
想狂狷拈香稽首拜老佛扶策清談約良掾爲言晴望碧峯巔
滄海如杯搖匹練蹣跚未得極幽遐餘地稍畱循俗諺線路肯
與猿猱爭獨撫孤松豈慵僕須臾精舍肴核陳珍果咄嗟欣立
辨昔夢低徊渺若煙清飆掠水游絲罟未知何日復來遊欲上
筓篁還眷戀解嘲三子爲予言使君五岳探尋徧南窮閩澗北
烏桓轍迹經由九州半郵程况復厯田盤有約嘉招耆後願上
盤雲石下盤松勝境天開傍畿甸介眉春酒壽南山稱爵重開

焚尾醮

月之二十九日係余賤辰吟橋約於是日共游盤山故及之

月山尙書有過大凌河禿老婆店詩風趣絕佳一時傳

誦去秋曾和一律爲韻所寫頗不愜意甲辰三月下

澣還京小住河干復題一律以博大方一笑

阿婆盛鬢緣何禿小店楊花豔舊名對鏡自嫌鴉鬢淺簪花雅
稱鳳釵輕延賓翦髮難釿效滅燭畱髮也昵情尙著黃纏來入
道脩成圓相頂光明

晚宿大凌河

瘦轍蛇盤穿柳隄疏林鴉點噪柴門驚沙堆雪連高岸一道虹

霓接遠村

疏楊溼翠晚煙凝漲縮桃花水碧激鮭菜堆盤風味雋買將歸

去贈詩朋

乘馬過四甬碑馬廠至雙橋店

掩囊袴褶征裘捷緩控紫駟垂鞭絲郵程髭柳指雙樹缺牆緇
桃橫一枝平皋沃衍秀苜蓄牛羊茁壯牧馬騎崢嶸怪石卓筆

立下馬細讀天然碑

碑在馬廠東就天然石峯刻作碑
碣惜苔花斑駁字迹曼漶難辨矣

過小凌河馬廠

碧宇晴飛雲片片廣場春秀草萋萋驪駟駟駟三千匹可有權
奇八駿蹏

小凌河渡口見魚鷹戲題

淺碧嫩隅咏魚鷹啄啄工那知煙水外亦有信天翁

晚抵高橋驛

接翅昏雅帶遠郊夕陽紅到綠楊梢細流略徧斜通渡不見虹
霓跨曲坳

塔山寫望

高陟黃泥坂蒼茫極睇遙沙搏隨水漱野曠縱風驕浩蕩鴻遵
渚崢嶸馬度橋道旁攜錦石東海袖中搖

錦邑境自塔山至連一路田疇甚美

百里坡陀接鈴喧遠近聲舊傳孤塔聳今見亂峯橫陽焰扶輿
度奔湍攬纒驚周原歌膺膺沃衍數東京

茶棚庵

木樨天氣載驅馳潑翠煙巒雨散絲瞥眼重來剎那頃小桃又
是試花時

天氣漸暖車中顛簸頭眩眼花尋道旁茆店小憩偶然
得句

百里行將半山笑且喫茶窗虛蛾綠入堂舊燕泥加日午巢痕

正風高樹影斜三時經一舍信覺驛程賒

車中遇大風有感

大塊噫氣勢翕張聲吼如潮舞澎湃
馮夷寥泝鼓鑪鞞笙鏞萬谷吹虛籟
風從應有虎負岫海立渾疑鼉聳背
力猛狂吹人欲飛沙礫橫飛母乃太
車中枯坐發奇想餘皇觸礁夷舟壞
百靈效順翦鯨鯢妖氛永靖時安泰

甯遠七里鋪道中書旅舍壁

弼教承

恩半載留

詔書新捧促鳴騶塞峯白巾雲含雨
村樹青浮夏勝秋關近早紆金艾綬
節暄齊脫木棉裘閭山一卷新詩草
細讀車箱當臥

陳春渠刺史贈貴月山尚書閣
游山紀游詩車中翻閱屢和其韻

欲游首陽山未果

一峯如覆孟松栝翠雲澆不敢陟首陽詩人怕窮餓

抵中衛沿途寫眺

西崦東巖畔嶽崎路不齊間雞興芟舍驅馬渡澄溪雪綴黎村
晚煙梳驛柳迷郵亭昔經處景物記依稀

中前所旅夜

大夫行役貪宵征郵亭一宿夜氣清東西廨隔喚始磨高杆的
驟懸鐙明圍人秣馬足不停馱鈴車鐸聆鏘鏗老驥伏櫪瘖不
鳴健騾嚙莖怒有聲傭保雜沓滿院庭信人殷勤茗菴烹我僕
痛矣倚檐楹洗塵盥面拂冠纓攤衾倚枕眠縱橫或有夕飧飽
香杭嫩蔥大餅羊齋羹提壺買醉茅柴傾大嚼渾如填塹坑侏
僂共語聽未明喧呶歡笑月四更共慶旅次行安平抵都祇賸

七日程歡喜坡前珂繖并守關將吏遙趨迎犒以牛酒意恪誠
共相告語聞丁甯來朝跋涉須早興村雞膈膊茹屋升東方閃
睽明長庚明發入關逢快晴

山海關

山海縣延線路通東來鎖鑰一關雄峯巒勢儼藩籬衛潮汐聲
疑甲馬攻犀象明珠常納費羽林神策記從戎

去歲曾派黑龍江官兵及吉林

官兵在山海關防堵英夷
聖朝別有懷柔術不倚嵯峨百雉崇

晚抵中前所

風燥吻乾茶勝蜜途長人困睡生魔馳征一事差堪慰囊括詩
增一倍多

松林溝望海歌

兩峽壁立竅且幽，篆徑詰屈如盤虬。脂車秣馬度復度，郵籤地
屬松林溝。喬柯歲久半樵爨，綠楊如幄濃陰稠。穿幽縹險陟泥
坂，無垠四望凝雙眸。懷乎直上不可留，天風吹袂涼颼颼。俯看
下界淪夢寐，羣生擾攘皆蜉蝣。帶圍繚繞指河套，楸枰界畫縈
田疇。到海僅數里，東望如杯甌。蔚藍紺碧海天接，氤氳一氣乾
坤浮。片帆搖曳肖白鳥，知是乘風破浪萬斛龍。驤舟微茫島澗
墨數點，微如蟻垤。蚓壤堆部婁，遠波凸起海水立。斯時徐福求
仙妄念應潛收，往時醯雞笑處蜚今觀。渤澥心神悠，昨夜驅車
歷崇嶺，疏略勝景過荒郵。芻圖吞棗詎足擬，鮮能知味嗤齧牛
者。番乘軺縱吟，矚山川祕奧，精雕搜譬喻。百讀舊書卷，英華咀
嚼知源流。客兒煙霞有癡癖，巖巖繼佳處高詠。留山海奇觀，睹未
有此來不負遙。鳴騶恨予夙不工，繪事枉思鼓臂圖滄洲。氣吞

雲夢寫長句，疥駝一任旁人羞。不須濟勝辦笠屐，短衣快馬于役恣清游。洪崖拍肩相尋道，遙採芝之儔。侶喬佺把臂共上飄渺凌漢之飛樓。山川勝處我能說，拈香點筆原相侔。意之所到託毫素，何必分唐界。宋蘇黃李杜窮追求。

松林溝崖邊小寺

嶺複山重道里遐，旋風羊角厭飛沙。巖坳野寺松陰密，惜未停車細品茶。

山海關外有懷詒晉齋

雄關路出上瑤京，攬轡欣逢十日晴。山翠溟濛開畫本，海濤澎湃習琴聲。森森筆陣東平憶，渺渺羈懷北渚縈。卅載重過半陳迹，梨花雪映鬢霜明。

姜女祠振衣亭

松濤謾謾半空聞一笠亭高倚夕曛左帶山屏右滄海高風勁
節漫區分

三月二十六日入山海關孔明府留飯關中行館晚抵
紅花店命奴子還京寄家言鐙窗偶題

郵亭剛一飯略坐喜開顏跋馬先還里聞雞早度關老邊煙岫
擁小店野花殷明日盧龍道家書早寄還

紅花店旅舍夜聞潮聲

珠斗闌干夜氣清尖頭老屋枕雲岑忙中喜得蕭閒趣東海潮
喧萬鼓音

榆關驛和東坡出峽韻

關外嶺嶽崎入關喜平曠鞅掌值佳時薰風煦和暢圖經幸早
攜古迹勝思訪潑翠眾峯排惜未攀蘿上客秋所經處風景未

全忘樹密暗藏村沙明暖消漲遙山橫疊屏近阜覆圓盜半沿
桃李蹊間雜松柏壙幽徑經威紆東西迷背向行行棠陰遠荒
郵少供帳山茨厭卑湫地窄不盈丈斷井困淫霖破屋摧奔浪
哀鴻憫羣黎幾爲魚腹葬偶值白鬚叟柴荆閒倚杖相逢下馬
談共買茅柴釀爲言俗澆漓請張語多誑乘輅星使過赴訴呈
牒狀利但較贏紕理不齊得喪循吏憶樂公舊社徒想像深河
午停騶滑笏鞞紋蕩膺服長帽翁琢句意張王勉和採風謠漫
擬驪駒唱

過深河廢堡

斗壁森如鐵苔花石堡融蔬香知地沃賽社喜年豐午日薰風
扇巒蒸溼翠重桃花村遠近不出此山中

榆關

松岡車繞徑，紫紆路出榆。關日欲晡，已有江鄉好風景。雙鳧戲浪亂菰蒲。

榆關驛萬家莊，眞武廟有古柏一株，大可十數圍。翠蔭參天，蒼皮溜雨，數百年物也。下馬坐樹下作。

翠煙蒼柏撐圓繖，左紐文堅歷雪霜。倘值香山老居士，涼陰深處築書堂。

三月二十七日行抵撫甯縣，適逢村中天齋廟賽會，鑿火熒煌，笙歌徹夜，村人觀劇圍繞廣場，頗厭喧聒。遂避至白衣庵禪寮，小坐堦下，植牡丹一株，穠豔異常。數十朵大如盤盂，爲關中所僅見。寺僧鑑圓炙燭照之，玩賞不置，并言城北山中有椒園寺，饒松栝花木之盛，邀予明晨紆道過訪，喜題方丈壁間。

清游成邂逅，白板夜深搗。誰料清涼域，偏栽富貴花。穠香然燭，
照翠管，隔牆譁明發。都籃辦雲堂，細啜茶。

由椒園寺後黑溝登兔耳山絕頂線路欽崎登陟維艱
還歸至禪室書壁

探幽興勃不傷廉，緊峭芒鞋結束嚴。線路飛猿攀更捷，奇峯初

祖相同瞻。

是日山中怪石奇峯有肖達摩佛像者鬚眉畢見眾皆禮拜僧明遠云山靈不見云

籤排萬

兼 檜龍鱗細銳削雙峯，兔耳尖游固爲佳。行亦好阿誰吏，隱得相

四月朔日梅雨溟濛由沙河驛曉發書懷

寥天解馭溼雲垂，剛屆黃梅雨散絲。潑黛煙巒米家畫，鎔銀沙
漱玉田詞還家書寄迎偏早。二兒慶福迎至永平府界戀 闕情殷到恐遲
淋透冠纓翻悅豫，香吹餅餌麥苗滋。

雨中新店山行

萬綠濃如海山村細雨中石痕赭深染雲氣絮輕融
鬱攬心多
戒苗芄歲定豐征衫須瓦作雅謔滑稽同

新店途次和壁間韻

石滑苔濃頻勒馬泥融沙靜漫停車綠畱處士新滋草赤踏麻
姑舊撒沙淺碧漪瀧水楊柳淡黃嬌綻刺梅花玉泉聞說饒芳
冽小住閒烹顧渚茶

玉田縣山中玉泉水最芳甘見縣志

榛子鎮道中喜晴

棟花風信幾番更吹斷蓬邊撒粟聲穀縵魚兒輕煦沫煙深鳩
婦遠呼晴暖披紫帽峯頭戴涼翳雲衣樹杪橫教覓香篝烘
裼卅年感觸舊詩情

於嘉慶十一年過榛子鎮有香
五潤衣篝之句俟已卅九年矣

深夜趨程由豐潤至應流時已四更餘矣

觀光計日趨神京脂車秣駟貪宵征蒙茸山縣纔一飯昏驚郵
傳雙軫鏗暗塵蓬勃驛馬驟松炬照耀棲鴉驚遙村濃綠高如
城星光迸入車窗明柴荆黃犬向人吼店頭知有游人行莫嫌
村僻境闕寂涼蛤聲兼鈴鐸鳴輶車蒞止夜四更館人殷勤執
燭迎粉牆拂塵題句賡主人畢竟饒詩情

段家嶺

琵琶聲滾落珠璣柳彈鶯嬌客夢迷不是懇誠君實僕風輕幾
作絮沾泥

春光半露出牆花柳細蒲香一徑斜雙燕瑋梁何處是風情終

古屬廬家

牆間書廬
家老店

曉渡潞河感舊作

瓜蔓纒黃漲拍天臨流喚渡景依然千檣集擊音闐振觸前

廿五年

...

...

...

同懷弟法良校刊

男崇福謹校重刊

抱沖齋詩集卷三十四

長白 斌良 笠耕

雲亭肯構集一

五月九日

圓明園儼直歸途邀同李錫民

振祐

鏡泉

阿勒清阿

兩尙書暨魏春圃

元煥

張蘭芷

禮中

兩侍

郎極樂寺小集

眉班侍直傍

丹楹歸向精藍結鷺盟方外交多僧半熟

謂九如續

林間亭改

徑還生譚來障塞神俱王餉到茶瓜客有情踈地垂楊依舊綠

夢餘聞錄憶春明

極樂寺勝剎舊傳垂楊甚佳今國花堂後池畔亦復婆娑可愛

漫道尋芳惜已遲鞋紅未玩好花枝蟬嘶林樾綠疑海蝶見榴

香紅隔籬羅漢果超朋灑落宰官身見佛慈悲還都而月無題

句畢竟頻伽解索詩

余題京一月矣雲亭案牘紛紜久未題
詠茲偕同人國花堂小集偶得二律耳

初九日復邀同人集極樂寺題方丈壁

眾愚四照關玲瓏灌木陰吹面面風玉帶漫輪雙樹下筇輿小
住百花中雄譚早辟芭蕉固夙慧能開繳網蒙纒直 螭坳過
鹿苑勝游難得五人同

小坐能令俗慮刪延緣莎徑蘚苔斑芙蓉池淺開明鏡薛荔牆
低露遠山欲去仍畱佳趣得避喧叩寂片時閒心空六鑿天游
暢公暇何妨再往還

秋日遣興和曹良甫比部辛丑年舊作韻

觚棱樾蔭曉煙沈滿院晴光淡不禁宦況看如雲葉薄世情悟
到碧湖深鶯聞蛩語催寒信佇待鴻飛報好音心隱何須昵粲
澗蘿蓑原不礙華簪

曉赴 圓明園途中作

華林當曉直小駟駕車輕野漲銀潢凍蒼煙畫角橫霜濃馳道
滑風定峭寒生涵養天君泰澄觀萬象平

八月九日邀同惠豫坤少宰陳子鶴副憲由青龍橋沿
昆明湖隄轉過山口至香山臥佛寺瞻禮畢游承雲
亭含青齋登峯顛觀音閣茶罷欲游碧雲寺子鶴緣
貪賞寺中泉石未果同往遂約豫坤扶策過羅漢堂
登金剛寶座絕頂徧覽湖山還至臥佛禪舍早齋時
已殢西豫坤談寶藏寺新構亭榭之勝遂共策馬登
金山飯於清涼庵會日暮秉燭踏月而歸宿於寓園
敬俟明日五鼓恭祝

萬壽率題八律紀事並約子鶴豫坤二公和之

眉班纔直侍明光接軫連鑣陟彼岡
菱泮蔓紫喧溜碧稻塍穗
滯刈雲黃凌霄塔影方錐卓沿港車聲繞帶長無限樓臺嵐翠
裏豫游猶自望吾

皇

香山行宮

上自庚子年來未經
臨幸各殿亭陳設奉旨裁撤

無波灘愛以河名犖鏗輪震有聲渺矣雙鳧衝靄去飄然一
笠御風行摩登伽漫阿難共臨濟宗開瘞可迎蒼栝陰中扶策
入月潭澄澈證圓明

未暇蒙茸滌面塵香林窳處散芳襟豎窮兩界如來眼妙演三

乘自在身

臥佛寺唐開元時創建
歷朝修葺金容煥然

此子津梁應早倦吾儕羣展

證前因曲肱伸足酣躄臥一任寥空轉法輪

舊營紺宇傍離宮荷氣虛廊暖欲融巖靜無風松自響泉香有

本溜潛通坐來熱惱消除盡穿過涼陰訝許同捫葛自誇腰腳

健毘盧頂上俛遙空

元龍高躅眷青岑

二老支筇叩梵音

子鶴因愛行宮泉石之勝未至碧雲寺瞻禮子偕

孫坤少宰同往

招隱肯貽

援鶴誚探幽引起石泉心

權閣妙構驚宏麗

勝國遺墟慨陸沈

碧雲寺俗名子公寺相傳明時大隄于某爲魏忠賢建造墳墓規模宏壯勢侔陵寢乾隆

間於忠賢墓址改建金剛寶座以鎮壓之

五百阿羅成海會

葑湖風景又而今

寺有五百羅漢堂乾隆間建於香山之碧雲寺今日來游恍如西湖風景

上南巡令仿其制度

崇椒攙袂步蹒跚

洗鉢伊蒲飯一餐

我佛慈悲畱住易宰官示

見暢游難繭纏且脫塵中事鶴逸偏耽物外觀萬戶歌鐘輒紅

空阿誰腰笏遠尋看

昔夢低徊迹未疏

籠紗瘦句紀游初

余於庚子秋日曾偕朱椒堂卓海帆楊壘雲三公游

寺中今詩

欣逢木末過

驄馬準備花時奉板輿

子鶴擬於明春奉太夫人過寺

覽巖桂黃霏斜照裏海棠紅
禪晚風餘佛鐙乍上齋鐘動密印

同參月滿除

嘉招車騎走趨趨一日貪尋古寺三香動木樨聞也未苔侵翠
厂坐猶堪九天闔闔卿雲縵百里桑麻化雨涵山月上時催整
纒無量

壽祝媿彭聃

西淀途中作

向夕趨公急安居惜未能修途盤似蝮夜市鬧於蠅車韻東西
陌湖光上下燈桂林香近挹圓月佗飛騰

九月五日入直還家坐竹韻齋漫興

且得浮生半日閒熏鑪茗具結因緣竹陰綠淨秋將老桂子香

濃喜欲傳

初十日揭曉頗盼
兩兒中式喜音

深院幸稀生客集寥天時佗遠瀉

翩多情鴈服朱齡石斗麪糊將筆札牽

求書寄友人者甚夥吟
橋日不服給故戲及之

翠微山四詠吟寄月山海槎二老

祕魔崖

一鉢高擎呪幻奇
頓教龍子得皈依
山僧懶說盧師事
築榭但看雲起時

大悲庵

檀施尙記方山子
樓閣嵌空景物幽
瀑水流香雨花雨
游人貪

賞海棠秋

庵舊乾隆間內務府郎中方公體重修

三山庵

迎陽半幅愛精廬
紫翠朝嵐不可摹
掛起西窗舒遠矚
沈寥天碧接平蕪

龍王堂

方塘澄澈映游鯈
百尺松梢菌閣浮
最愛翠微峯合抱
風吹不

到白雲留

讀月山尚書山居雜興詩題後

故人多半隱山椒

多海槎住靈光寺貴月山麓瘦策寬鞋得趣饒居祕魔崖均在翠微山麓

詩思妙於螺磴曲世情淡逐黛痕消壁牋宛共游蘭若覓食端

應採菊苗六鑿能空休論迹何妨目擊郭門橋

月山尚書隱居翠微山之大悲

閣又退居祕魔崖有句等閒遙見盧溝月自悔入山猶未深之句未聯偶及之

訪悅致和尚話舊晚歸作並贈大樹庵誠如禪師

龐眉尊宿致殷勤圓相光明迴軼羣具足精嚴定生慧消除綺

語樸無文旃檀世界雙林護臨濟宗支四葉分

余於嘉慶六年初識得應長老

後復與其大弟子碧峯相遇後至邦均鎮復見碧峯之徒誠如友善悅致始猶沙彌近亦作庵主一刹那頃方外交已歷四代

古鎮槐柯縈昔夢飄然一笠寄閒雲

邦均鎮天齊廟有唐槐

秋甲辰赴陪都途次曾經見之去夏還京誠如亦移住大樹庵故談及之

十六日六班直舍陟廷少司馬充武闈鄉試校射同考

官用東坡集贈段屯田半字韻詩贈之

自別承明廬瞥眼歲過半鷓鴣序屢遷感懷興詠歎趨公直五
雲日月敢惕玩蘭交搏沙如隨波成聚散陟廷吾諒友鞅掌王
臣伴雪嶺獵連鑣芸窗談達旦挹裏遼海東秉節事同案

去年今日

余與陟廷
謝案吉林揭來還燕京俗穴焚絲亂夙夜各在公塵容不遑盥
司馬試武闈風標誇帶緩弓挽兩石強矢飛七札貫得士盡熊
羆菲才屏慵俛奔輪踏輦紅陽回驗輕炭會須倒芳樽言開竹
裏館唐花凍逾妍宣鑪烘倍暖翦燭話寒宵清辨聆綺粲

感懷偶作

修詣吾儒自有真操持堅白不淄磷平生某亦邱明恥不作豨

齊學轉輪

陰慘陽舒理待尋
僉王詭譎蓄機深
刀藏笑裏推林甫
蛇蠍須防毒螫侵

新正雜詠八首和蔣心餘集中舊韻

土牛

坤象搏沙應崢嶸
卓四蹠自能占廩粟
不用駕耕犁
支色分豐歉
皮毛圖土泥
頒春新令尹進

御畫圖攜

國朝定制立春日順天府尹進春牛圖

鍾馗

求賢通寤寐及第勝參軍
血性占歸妹精靈解衛君
猙獰誇壯貌牢落感遺文
魑魅供阻嚼威棱鎮夜分

春聯

楹帖當春換
蟬聯祝頌多
排門知歲改
札闕驗時和
朱邸懸增

麗茅檐寫半訛神茶相倚藉闔吏漫譏訶

門神

翼列當門壯圖標萬戶形文班紆綬紫武庫懷霜青守禦原無策憑依卻有靈居然大竇對執禮抗分庭

鏡聽

亭角牆陰畔潛身側耳聽無心語成識有驗事通靈吉協畢誠得見唐功侔鬼谷經達人安命久遭際託蒼冥

歲鼓

兒童敲臘鼓深巷殷晴雷絡索連環應砰訇宿霧開太平真有象羣稚踏歌來矇叟逢逢擊爭如唱賣歎

爆竹

未蟄驚雷發初然引線微聲隆侔竹裂紙擘訝花飛餞臘潛移

序祛邪猛伏機山魃聞遠避諧語是耶非

桃符

剖就仙桃荊縈紆史籀書力雄驅魍魎符赫鎮門閭辟惡誠能爾延麻敢忽諸桑弧配蓬矢相較果何如

雪後由朱氏寓齋過雙橋精舍訪祁春圃大司農作

右碾名園畔韶光到幾分細流冰挾溜高嶺雪攙雲寒峭裘嫌薄春歸草欲薰豆房尋妙友煮茗共論文

自題蘭亭修禊圖宋硯恭和乾隆

御製詠宋端石蘭亭硯元韻

薰白花青品難致買硯得端真快事崇山修竹永和春刻畫蘭亭面分四形勞竿牘墨緣慳指似馬箠益滋愧供養松窗棊几間隄廳合寫鵝羣字

輓鎮巴里坤白輔庭都護

文治

驚聞諒友召巫陽迴憶丰標益感傷玉塞未歸魂萬里金臺猶
接札三行孤雛寡鵠誰相託輔廷無子祇一幼女與夫人隨任雪窖冰天驛正
長名將從來無白首酬 恩靈永鎮巖疆

二月二日 圓明園直班還城路經覺生寺晤慈岸長

老話舊卽贈

八年未晤淨明師一笑同參貝雪姿往事渾如風掠水耆年候

訝鬢添絲壁間遺墨猶龍化西席壁間向懸 聖刻詩翰今日重游惜已失去矣

方外閒雲臘鶴知慈岸禪師向充隆長寺侍者與多廉訪溥侍

林下慈師 猶能記憶瞥眼珊瑚花事盛扶藤重訪道林支

三月下浣由西淀瀑直入城途經 萬壽寺訪體燦長

老登閣後假山並賞嬾榆七松諸勝方丈小坐啜茗

長老云寺東偏法華寺庭中有金元時松大可四十圍翠蔭參天較七松尤古茂遂偕體師往觀向晚迴車復至崇杏田孝廉可園看花雜詠紀事八絕句

廣源聞畔

小車停桃萼烘霞柳帶青
靄香雲通曲徑喬松護

籟滿清聽

披袈老衲下階迎
閒向青鸞結淨盟
入室塵襟頓滌滌
梵香影

裏石泉聲

物外棲情遠避翬
東風將暖趁花朝
碧檀藥曳青鸞舞
紅探春

開粉蝶撩

涼磬風飄遞暗廊
莊嚴迦葉見香光
獅王搏象仍全力
妙墨東

平獨擅場

壁間懸吳中繪來迦葉佛相甚精采成王書真獅子吼額

幽邃禪關四面通
誰移峭石起層峯
山僧笑向奚童說
牆角星

榆認臥龍

一元三要殿東側有榆龍
龍師導游觀一一指示之

溜雨蒼皮四十圍法華古檜翠煙霏金元楨榦伊誰植可有千

年老鶴歸

法華寺中一
松頗蒼古

岸頽石虎臥榛莽眾象邠連匠作能萬姓脂膏供指染權璫碣

半薜花凝

寺後多勝園
巨闢古墓

迴搗乘興覓菟裘一貼茶緣半晌留妙悟濠梁真趣足非魚魚

樂我知不

是日睿邸致送崇杏田孝廉朱魚十數
尾放之池中頗具南洋之樂故及之

游可園三松吟館題壁

無限風光付瘦藤迎眸桃灼絳霞蒸柳眠剛倚新培岸亭敞偏
居最上層頻問寓公今住否恰欣詞客昔游曾鼠姑花放清和
屆再挈都籃約友朋

春日由西直門外石路入城感成

進思無補擲屠諸輪鐵消磨古道途碧浪濯襟緣活潑翠巒悅
目妙模糊福求爭向木居士利用羣欽桑大夫聞說鏡湖煙水
關問公何日乞來無

曉坐留雲榭遣興

年來吾亦愛吾廬石瘦泉清帶竹梧客至每傾銀鑿落開窗正
對玉浮圖腕靈慣寫平原帖眼瞢貪看善本書有滄密雲頻望
澤腴田負郭我偏無

三月十八日西淀直班歸途感懷

氣清天朗暮春初白袷衫裁稱體舒新綠如山團野密舊游若
夢感交疏晴曦暖欲遮方翹官燭紅猶憶直廬世事飽諳思縮
手服鴈和仲語非虛

題沈明巖茂才畫花卉果酒歲朝圖

名序元浙江
石門縣人

國朝花枝工繪畫壁絹舊推憚與王生香活色逼真肖絹素彷彿春風香沈郎衣鉢荃熙嗣不寫形模寫神味瓊蘼渲染曲屏張惹得尋芳蝶紛至宣南眯目飛輦紅光陰客裏尤愬愬時鮮珍果堆甕側歲朝圖出將毋同不須回首懷鄉國硯食朱門計良得海氛初靖恣遠遊江南那及燕南樂

四月初七日燕山弟入都迎晤於西淀三教庵喜而有作

郵程聞說子由瘦喜晤雙臚明自是龍江勞碩畫浪傳燕
寢賦閒情舌翻澗水千重峽胸貯韜鈴十萬兵
請制軍親入嶺嶠勦捕共滅土司才承緒燕山弟盛陳兵衛諭
以大義云國朝定鼎二百餘年改土歸流原以撫綏土司藉以
安眾庶茲因爭地微嫌致開邊釁本督速派將弁領兵擒擊
承緒爾等若不遵約擅殺土司以致釀成巨案本督惟奏明
定將爾等軍法從事眾皆膜服措置頗饒方略
旋擒獲可承緒伏誅民賴以安得旨嘉獎
相別六年欣對

榻譚深頻翦竹窗檠

小憩閣黎偶避囂兩番攪襪傍經寮

十九年入於西淀大樹庵

觀晤

脂膏不

潤囊羞澀蔬筍常餐味獨饒略分東平過慰問

是日惠邸來庵問候傳衣

北濟就嘉招並邀異數羣爭羨軾轍連鑣共早朝

游故相園感題

銅鋪塵冪徑昔侵策馬芳園寄慨深愛蓄名花歌玉樹曾移奇

石等黃金

間園中太湖大石係離商某甲物故相以千金運至之

繽紛珂繖馳中禁壯麗

樓臺擬上林

園中樓閣均仿內規模建造頗多

猶勝荒池秀蒲稗澹煙

廢綠遠陽沈

清和月中澣過天王寺晤惠寬長老卽題雙松禪舍

三年不到梵王家鞅掌冰天返轡遐筇杖叩門驚宿鳥松根掀

砌踏奔蛇去來無定身如寄僧俗相看鬢各華卅載垂青終不

變晴嵐依舊撲窗紗

雨後過扇湖入直題壁

一夕天瓢洗鬱蒸柳隄路潤喜沙凝風翻荷蓋珠隨轉雨溼嵐
衣翠疊層白髮蒼顏借二老瘦筇圓笠憶孤僧

謂臥佛寺方丈樂然

都藍

選勝頻年慣爭及新涼快得朋

是日偕燕山弟奉邀趙蓉舫瑞芝生二侍郎小酌

過鷺峯寺未入偶題

唐碑已入東平府誰續迦藍記洛陽老佛無言自高臥浪傳此
子倦津梁

寺舊有唐天寶石經幢爲貝勒奕緒收入府中

門過不入果何因笑指松陰寶月輪古佛閒官通淨契菩提應
不惱詩人

先尙書舊畫漁村煙趣圖卷子向藏抱沖齋中道光壬

辰失去憶及時覺悵然乙巳仲夏陳廉訪

恭

得自南

北江詩集卷之三十四 八〇七十五 五

昌稔知為吾家故物轉寄付良收藏手澤重還賦此
以誌欣感

先人手澤良朋寄髣髴珠仍合浦還鴻爪偶留塵外蹟
展畫中山刀環曲譜歌詩裏翰墨綠聯尺素間從此錦
繡藏弄
密莫隨龍化杳難攀

贈濮又翎 善裝池精緻筆兼工寫生名森大興人

驚燕雙懸縹帶脩 畫軸中間縹綾廂袂二條名曰驚燕恐燕飛泥污因制雙帶於幀首使燕驚避之意後失其傳裝池家往往將縹帶黏諸幀首仰望直懸縹綾二條全非古製說見七脩類彙
鵠紋綾背妙輕柔裝

池舊數張龍樹持較還應遜一籌

衣綃瀟灑質温文駟僧消除積習分鐵筆精能兼繪素山農擅
美暨孤雲

同懷弟法良校刊

男崇福謹校重刊

抱冲齋詩集卷三十四

長白 斌良 笠耕

雲亭肯構集二

七月五日向晚馬廠散步

四年不見此湖山舒矚毬場一破顏潑翠峯迴蒼靄合闌紅荷
借夕陽殷迎涼恰喜三庚歷倻直聊乘近午閒側笠溪橋當讀
畫纔過董巨復荆關

七月中元節晚至南海淀書卽目

連宵澍雨減炎蒸呼僕教添半臂綾笑看街頭小兒女綠荷葉
上颺秋燈

夜半貪看朱昆田笛漁小橐十卷已畢卽題冊尾

如山竿牘理琴絲靜泰天君愼自持笑我耄年猶好學挑燈讀

盡一編詩

大樹庵晚齋

未陟碧雲岑已歷黃泥坂松陰坐具敷來就山僧飯

新秋十八日感成和笛漁小稿朱昆田集中小齋聽雨

同南渟遠士分賦得蠶字韻

笑看庭蟻戰方酣
叔夜書成七不堪
願視清高推老驥
屈伸瑟縮陋春蠶
崎嶇世路行多畏
靜妙天倪近可參
圓笠瘦筇容易辦
幾人戢影傍松庵

晴

秋來恰喜十分晴
香潤梅臙泚不生
分付都籃須早辦
筍皮鞋踏碧雲輕

過淨業湖和暴書亭集中雨中酬王漁洋見過韻

指點湖塢半釣家
燈船無復舊繁華
風翻蓮葉綠如海
鼻觀香通迴勝花

乍涼

蕭齋近俯碧粼粼
梧竹幽窗絕點塵
矮榻平鋪方錦褥
乍涼靈犬慣偎人

七月廿九日夜雨曉直六班

一夕瀟瀟雨偏宜
傍枕聞琴牀通潤
氣澄穗逼秋雲涼
峭衾窩襲香温鼎篆
熏侵晨當入直問
夜意何殷

夜雨偶憶

撒粟清音入夜聞
被池涼峭夢紛紜
蓮童宛轉虹橋底
新漲應添碧幾分

秋日欣對齋感興

酬酢繽紛億莫支料量文翰乘閒時怕看坊裏麻沙本嬾作人
間趁韻詩隨分餐錢原自有因公吏議谷奚辭蒙茸瞥眼橙黃
屆湖蟹螯肥手持持

過賢良寺晤長老即題禪舍

三過松間寺青鴛未有詩今來逢古衲雙鬢忽添絲歲月催人
老功名悟道遲與師參貝雪潔白本同姿

重葺韜華館落成與燕山弟敲詩讀畫徜徉其間喜題

一律

不羨高牙八驛擁數椽吾亦愛吾廬紋窗窈窕當花妥畫檻玲
瓏透竹疏落落襟懷居共適怡怡兄弟樂何如傳家幸有貽謀
在插架縹緗照綺梳

晚起南海淀車中作

車箱搖曳困迷離
向夕涼颺小睡宜
眨眼木樨蒸又屆
秋鎧紅處買楂梨

秋日鏡鷗齋獨坐

孤坐鷗齋夕秋涼
減鬱蒸峭風芸閣篆
疏雨竹窗燈豁目
新詩卷知心舊友朋
順時堅晚節兢惕履
春冰

中秋夜獨游岫貝子六郎莊園亭題壁

竟造渾如看竹游
菱塘淡沱故宜秋
風前荷氣時穿榭
雨後山光半入樓
漫說匠心營構巧
須知雅度石泉幽
銀潢貴冑煙霞
昵品格應推第一流

繞舍黃雲萬頃寬
堆場穉稭露猶溽
芙蓉漫路剛移棹
楊柳篩風獨倚欄
洗眼淨觀波激濫
印心恰值月團圓
藥芳園題額應延
借金碧樓臺隔岸看

中秋海澱入直歸途寫懷用東坡留別金山寶覺圓通

二長老韻

袷衣初試趁新涼沿渚殘荷露淨香味道眞參三乘祕隱心何礙一身忙高吟權當忘憂草獨宿眞成卻病方機務纏縈游未果碧雲煙柳睇蒼茫

題樊榭山房集後

迴殊獺祭釘蕪詞數典僧虔運妙思一穗燈紅光照壁半宵讀竟幾篇詩

浙西宗派濫觴多笑援麒麟與疥駝演雅奴騷工纂組冰絲五色織天梭

翦紅刻翠惹蕭疏持較丰神恐不如裙袖釵梁裝束悄娉婷娟麗十三餘

牢落揚州鶴背雲十年春恨屬司勳
服膺秀水新城外別樹騷壇張一軍

八月廿五日閱六旗大陣先期一日住宿華真觀卽事

四律

年時原有約今果住名藍肆武過城北
僑居宿水南疏鐘塵外定圓月靜中參
老衲催租去嗤貪米汁甘

謂裕環和尚至
涿琉璃河收租

下馬塵纔拂僧雛上佛燈殷勤詢近况
游覽湖前曾荷盡滄波闊松高皓月澂
漁村圖畫裏笳笛晚煙凝

何物堪將意溪藤與越茶漫云持贈薄
須識道途賒釘壁驚春蚓烹泉鬪露芽
伯鸞頻賃廡官裏事如麻

金秋當令序講武肅鷹揚旗纛翻朱雀
兜鍪鑿耀雪霜風雲驚合陣霹靂肅排
槍禦侮干城選端資訓練強

夜題竹庵壁

隔湖一杵疏鐘動淨滌塵心似水激院靜夜涼潘閩句蕭森詩思入秋燈

九月初一日盧溝橋八旗操演神功等各礮位還順道借惠豫坤少宰游翠微山祕魔崖證果寺翠流光精舍題壁

賞心塵外極幽遐並轡穿雲石磴斜纔領貌貅飛礮火復尋猿鶴昵煙霞木樨撩鼻參黃檗泉乳清脾薦雪芽他日入山還有約瘦筇圓笠課桑麻

洛迎別院

卜築精廬隱碧陬大千身寄等浮漚松陰十笏袈裟地佳處庵仍爲我留

翠微山喜題

不到名山候九年，埽眉嵐翠鎮依然。
浮圖高向峯巔矗，傑閣多於樹杪懸。
地僻慣來招隱客，心空頓悟小乘禪。
消除六鑿天游暢，一貼茶參半晌緣。

海槎廉訪

多歡

靈光寺傍新構林亭

林亭妙構據岵岵，猿鶴添愁衲子嗟。
愛挈旁妻鴛舍宿，不成羈旅不成家。

證果寺諸勝新築迴，非昔年風景感成。

選勝何須竹杖扶，軒亭半改舊規模。
月廊雲樹增丹腹，蔬笱家風惜轉無。

祕魔崖

虛巖雲厂碧，蘇陳案頭龍子侍。
從馴阿師厭見人，間事故翳窗。

紗障眼塵

壁閒見月山題龍王堂句爲下一轉語

澄潭翻覺太分明察鑿淵魚恐過情且向松陰敷坐具游條一
任鏡中行

盧溝橋演礮還都順道游翠微山雜詩

禡祀講武畢尊食炊霜齋蒙茸理歸裝都籃僮僕攜二老夙有
約選勝促馬蹶稅駕經盧溝蜿蜒踏虹霓涼秋漲痕縮灘劃分
流澌維時屆月額哉生魄未躋誰賞曉橋月但聆寒店鷄行行
拱極北大漠驚沙悽駝羣走蹒跚牽曳勞臧奚晡暖值秋陰解
駁雲淹淒竭來慶西成穰稔刈已齊農婦饁田峻筐載藿與藜
棗熟綴朱實蔬秀團碧畦皇村景快睹白塔看猶迷問路向耦
耕指點沿幽蹊驚嵐翠潑樓閣懸高低煙麓行已到寺隱西

峯西

犖确輪鐵鏗篆徑互回合盧溝及翠微廿五里始達松杉湧崖
陰翠雨紛颯沓螺磴躡虛危還欣半踵納透迤抵名藍人喧驚
怖鴿山緇下堦迎茶色衣壞納入門風景殊豆房門半闔經寮
曲樹通仙洞迴廊巾窗含百尺橋戶對千花塔塵襟頓開朗俗
慮屏紛逕苾芻導相羊殷勤拂禪榻飯我伊蒲香亦復羅果榼
簾外金粟飄天香透佛閣木樨聞否乎莞爾師不答

雨膳清齋餘僧邀散芳躅彳亍煙術幽句衣紫藤曲笠亭冠缺
岑登頓舒遠矚風煙昏瀕洞一片平蕪綠遙林短於薺高古檜
疑玉灘漱互滌洄畎畝界棋局極睇斜石岡圓峯儼釜覆高塢
瘦於鍼恰對虛窗臨惜時值秋陰瑋瑁雲黯黷儻逢碧宇晴明
當辨粒粟商颯逼人寒橡栗吹菽菽雲從鳥底飛翠向眉端撲

一角王孤雲丹青繪盈幅

盧溝橋村店小憩

鞭絲搖過綠楊村小憩茅檐啜茗溫虹豆仍看今日影漲消略
減去年痕輪蹠雜遝趨燕市樓櫓崢嶸指郭門赤幟新排魚復
陣六韜精蘊要詳論

贈陸文田茂才卽送其還吳淞

安硯蕭齋月歷三鐙窗每共接清談淵雲墨妙高名擅王謝門
才令譽含苜蓿秋風驕塞北杏花春雨夢江南松陵倘遇伊川
裔勸早摩燕整轡謂程吟橋勸其早來

游岫貝子園林諸景題壁

徑竹能延客奚奴進茗甌殘荷擎雨弱老柳得風柔佳景四時
備腴田千頃收鞞紋鋪澗澹潤碧聳高樓

突兀層臺迴臨流得月先濃香穿榭曲涼翠抱秋圓妙境誰能
繪清游不費錢窗虛涵萬象別有好山川

丹青樓閣煥一幅李將軍偶爾脫朝幘因之遠市氛澄溪環碧
玉晚稻刈黃雲西郭湖山美芳園占幾分

名園依閬苑再過洵天緣載酒他時擬尋幽到處便愛蓮穿沼
曲因樹築亭偏疥壁畱題去詩憑眾口傳

九月十三日可齋六弟由西江轉漕途次臨清開口寄

到筆墨書畫及海珍各食品書此代簡

雲藍初啟墨痕新海錯湘純喜並陳筆札縱橫追二妙

甚佳洛濱侍從匹三人謂余燕山可齋兩弟琵琶詩詠旗亭句旌

節花迎畫舫春儻向雷塘庵畔泊歐陽雅度定相親

棣萼承恩紫綬紆愧無建白進嘉謨虎符欣並麟符綰

補授廂紅旗副都統

蘭珮難偕玉珮趨

近日趨公殷忙清游頗少

靖位福多叨

帝錫觀

光誠未許臣輪棹迴迅挽青天粟籌裕倉儲得

旨俞

法良今歲督運三次例准交糧畢赴京引見緣中河決口抵通遲滯恐誤丙午新漕漕帥

奏請展限轉棹南昌得

准行

昆明湖上功德寺啜茗復乘馬沿靜明園後牆至香山

途中卽目

古寺量茶罷沿隄策短筇雲低穿塢影葉脫露山容香刈千畦

稻風傳一杵鐘翹瞻翠微裏欲陟惜無從

妙高寺繡壁詩態皆在御園內未能登眺

碧雲寺靜夜聽泉題方丈壁卽贈樂然長老

妙諦證楞嚴居常樂我靜蠟屐躡雲岑信宿招提境秋宵峭寒

凝半燄疏鐙耿披衣正襟坐心空妄緣屏山泉繞階鳴寂音神

會領聲和琴筑諧籟護松杉併觸處悅聞根冷然發深省來參

雪竇禪不待山緇請

洗心亭

覆頂吉祥雲繞足功德水笠亭據巖坳灌莽翳晨晷澄溪妙印
心瑩徹無纖滓松學龍攬挈僧隨鶴行止瘦句拂蘇題閒靜妙
如此

冒雨游碧雲臥佛諸名刹歸途遇成

獨攜藤杖踏秋雲選勝趨公一樣勤怪底氤氳香未歇衣襟猶
帶碧峯雲

涼雨廉纖曉未闌聽泉倚枕忘宵寒山靈眷我聊相示洗出芙
蓉與靜看

題蔣伯生烏目山房詩存

妙蓮舌本燦生春黃鵠摩霄氣未馴信有高才淹下吏

伯生集
中贈葉

又村大抵才人
多下吏之句
惜無醒眼指迷津
伯生疏狂不檢當道惡之
被劾以私刊公牘遣戍
蘿

莊煙靄芬常誦
伯生尊甫官汶上令家焉所居蘿莊有古槐七
十二株顏曰七十二槐堂風景頗佳黃小松司

馬爲作雜莊圖郭頻伽上舍爲
作記一時名公巨卿題詠甚盛
芸閣風騷賞獨真
伯生受知於
儀徵相國最

早滄浪筆談中盛
稱其詩才雄放
我亦明湖曾綰綬
吟壇中竟失斯人
余於嘉
慶乙亥

觀察克沂時伯生同官濟
南余每至會垣未與唱和

喜晤周芝生觀察卽贈其還蕪湖任

纔瞻芝宇卽歡然
滄苔蕭齋話昔年
願我爽鳩階竟陟
期公繡
豸秩應遷漫云
關樞輸稍紉
深喜夷氛擾未前
民氣恬熙境安

堵樅陽齊頌使君賢

虛堂敘雪集同人
眷我疏慵誼最親
常勸佩韋規
編性每偕研

律活頑民飛鴻爪
迹巢痕舊蒼狗雲
衣變態新怪底
粹容圓月

滿胸中預盜太和春

綰符承乏西曹記切磋功深鄙吝消富貴在天休異轍升沈靡
定感同僚荀龍夙豔聲華藉薛鳳今看龍擢超附驥復來陪末
座爭傳軾轍定同朝

彪文粹質氣和平交比雷陳久不更矜詡松姿猶未老慨分鶴
俸倍關情會逢促膝清宵話悵未論心綠醅傾指顧承恩開
府日澹園洗聳再聯盟

題孫定夫

宗禮

明府眠雲出岫集

岫雲舒卷碧天空曾佐淮西捍禦功蘭畹詞耽摹叔夏珠鈴智
夙邁師雄捐螢苑古懷鄉國市駿臺高屬寓公九變四機堪祖
述龍韜勝算本家風

帽檐幾度訪塵蹤夙夜趨朝悵未逢西郭峯幽宜讌賞南衙政
劇少過從敢誇寵遇榮三捷愧乏嘉猷答九重珍重藥籠儲

待選他時花縣聽峨松

送陳頌南給諫還閩

名慶鑪福建晉江人壬辰翰林官御史以敢言聞于朝

道重千秋出處輕神羊獨角最崢嶸九重深納嘉謀獻一疏

爭傳直諫名嶺指僊霞晴躡躡花開佛日夜橫經

頌南經學最稱

左遷

畢竟承恩厚珍重桑榆荷

聖明

讀王嘉拾遺記雜題

倒龍瓊珮真玲瓏十朵釵金一樣工漫說畱仙飛燕捷石家小

婢數翔風

鬢臂盟言聽未真同心百歲證蘭因輕軀印榻香無迹終博明

珠十斛勻

闕氏派本屬關西謠詠蛾眉命不齊寂寞璇閨教主少房中同

唱突煙低

廿九日送燕山弟之熱河都統任

半載相依切驪歌忽出郊承

恩蒙異數惜別念同胞投老情彌篤籌邊論莫高撫夷兼弼教

佐治倚英髦

謂兩司諸友人

賜馬承

恩眷被垣許歷循

十九日蒙紫禁城乘馬

恩臣心期似水

帝澤浩如春侍從三人匹周諮四國詢漫云

天命遠顧諟在斯民

矍鑠精神固揮鞭賦遠征巖疆八舍隔驛路五朝程

熱河距京離云四百

餘里行走三灤水寒淤凝椎峯夕照明塞垣風物冷遮莫恃裘

輕

同懷弟法良校刊

男崇福謹校重刊